

鐵

立

文

起

鐵立文起前編卷之六

梅溪 王之績懋公 集著

猷州 趙 拓偉士 參訂

墓誌銘 碑 碣 表

王懋公曰墓誌表始於漢。碣始于晉。碑之由來遠矣。逸雅云碑被也。此本王莽時所設施其轆轤以繩被其上以引棺也。臣子追述君父之功美以書其上。後人因焉。故無建於道陌之頭。顯見之處。名其文就謂之碑。此說與諸家異。存以參觀。又墓碑碣表或有銘。或無銘。誌與銘或兼有。或單行。此亦不可不知。

辨體曰、按植弓曰、季康子之母死、公肩假曰、公室視
豐碑、註云、豐碑以木爲之、形如石碑、樹于槨前後、穿
中爲轆轤、繞之、綵用以下棺、事祖廣記曰、古者葬有
豐碑、以窆、秦漢以來、死者有功業、則刻於其上、稍改
用石、晉宋間始有神道碑之稱、蓋地理家以東南爲
神道、碑立其地、而名云耳、墓碣、近世五品以下所用
文與碑同、墓表則有官無官皆可、其辭則多敘其學
行德履、墓誌則直述世系、次月名氏爵里、用防陵谷
遷改、埋銘墓記、與墓誌同、而墓記則無銘辭耳、古今
作者、惟昌黎最高、行文敘事、面目首尾、不再蹈襲、凡

碑碣表於外者。文則稍詳。誌銘埋於壙者。文則嚴謹。其書法則惟書其學行大節小善。寸長則皆弗錄。觀其所作可見。近世至有將墓誌亦刻墓前。斯失之矣。大抵碑銘所以論列德善功烈。雖銘之義稱美弗稱惡。以盡其孝子慈孫之心。然無其美而稱者。謂之誣。有其美而弗稱者。謂之蔽。誣與蔽。君子之所弗由也。歟。

王懋公曰。吳文恪盛稱呂紫碑誌。亦猶世人之見獨茅順甫謂碑誌當以歐陽永叔爲第一。最確蓋六一敘事得史遷法。而韓不然固宜遜之。至論墓之有銘。

雖始于漢。我嘗以爲其義與古人。鼎銘通祭統云。夫
 鼎有銘。銘者自名也。自名以稱揚其先祖之美。而明
 著之後世者也。爲先祖者。莫不有美焉。莫不有惡焉。
 銘之義。稱美而不稱惡。此孝子慈孫之心也。惟賢者
 能之。又曰。銘者。論譔其先祖之有德善功烈勲勞慶
 賞。聲名。列于天下。而酌之祭器。自成其名焉。以祀其
 先祖者也。顯揚先祖。所以崇孝也。身比焉順也。其次
名次于先祖之下。無明示後世教也。此在簋銘贊頌
所違于禮。故曰順。之銘中。特其一端。然而墓銘之意。已盡于此。所不同
 者。自銘人銘之別耳。其意之主于榮先。固無彼此也。

銘辭
奇死
此段
森森

銘辭
奇死
此段
森森

觀此則凡求銘於人與爲人作銘者皆宜重其事
托之非人書之非公與是可乎曾子固有言銘誌之
著于世義近于史善人喜于見傳則勇於自立惡人
無有所紀則以愧而懼其有通材達識義烈節士嘉
言善狀皆見於篇則足爲後法故激勸之道與史近
而亦有與史異者史于善惡無所不書銘則古之人
有善而懼後世之不知必銘而見之或納于廟或存
于墓一也然則予以墓銘之義與古之銘墓冢相通
其說誠不誣而若南豐之謝歐公爲其祖銘與于黯
之謝張公方平爲其父銘皆言之反覆窺其中若有

不容已者。豈徒然哉。後之人仁孝之心。亦可以油然而興矣。
明辨曰。按誌者記也。銘者名也。古之人有德善功烈。可名于世。沒則後人爲之鑄器以銘。而俾傳于無窮。若蔡中郎集所載朱公叔鼎銘是已。至漢杜子夏始勒文埋墓。則遂有墓誌。後人因之。蓋於葬時。述其人世系名字爵里行治壽年卒葬日月。與其子孫之大事。勒石加蓋埋于壙前三尺之地。以爲異時陵谷變遷之防。而謂之誌銘。其用意深遠。而于古意無害也。迨夫末流。乃有假手於文士。以謂可以信今傳後。而

潤飾太過者亦往往有之則其文雖同而意斯異矣
至論其題則有曰墓誌銘有誌有銘者是也曰墓誌
銘并序有誌有銘而又先有序者是也然云誌銘而
或有誌無銘或有銘無誌者則別體也曰墓誌則有
誌而無銘曰墓銘則有銘而無誌然亦有單云誌而
却有銘單云銘而却有誌者有題云誌而却是銘題
云銘而却是誌者皆別體也其未葬而遷厝者曰權
厝誌曰誌某殯後葬而再誌者曰續誌曰後誌没于
他所而歸葬者曰歸附誌葬于他所而後遷者曰遷
附誌刻于蓋者曰蓋石文刻于磚者曰墓磚記曰墓

碑銘書于木版者曰墳版文曰墓版文。又有曰塋誌。曰誌文。曰墳記。曰墳誌。曰墳銘。曰塋銘。曰塋記。其在釋氏則有曰塔銘。曰塔記。凡二十題。或有誌無銘。或有銘無誌。皆誌銘之別題也。其爲文則有正變二體。正體惟敘事實。變體則因敘事而加議論焉。又有純用也字爲節段者。有虛作誌文而銘內始敘事者。亦變體也。若夫銘之爲體。則有三言、四言、七言、雜言。散文有中用兮字者。有末用兮字者。有末用也字者。其用韻。有一句用韻者。有兩句用韻者。有三句用韻者。三句有前用韻而末無韻者。有前無韻而末用韻者。一韻有前用韻而末無韻者。有前無韻而末用韻者。

有篇中既用韻而章內又各自用韻者。有隔句用韻者。有韻在語辭上者。有一字隔句重用。自爲韻者。有全不用韻者。其更韻有兩句一更者。有四句一更者。有數句一更者。有全篇不更者。皆雜出于各篇之中。難以例列。故今錄文致辨。但從題類。仍分正變。稍以職官處士婦人爲次。而銘體與韻則畧序之。

明辨曰。韓愈清河張君墓銘。以徹揭割雪折厲奪咀。爲韻而行生清兵明貞復自爲韻。乃隔句用韻體。如行揭生割名厲。蓋法兔置魚麗等詩也。

王慤公曰。墓誌銘正如韓愈貞曜先生墓誌銘。歐陽

修梅聖俞墓誌銘。變如韓愈樊紹述墓誌銘。按唐之古文。始于紹述。亦一奇士。韓爲作誌。故非謾墓誌銘之類。權厝誌有銘。續誌後誌同。柳宗元續榮澤尉周君墓誌云。前誌贈太傅崔公祐甫作。祐甫旣卒。而君尚未塋。故復續誌以書其緩塋之故云。墓誌蓋石文。既有墓誌。又有蓋石文也。柳宗元云。今之制。凡誌于墓者。琢密石。加蓋于其上。用附碑陰之義。假茲石而書焉。墓磚記。墓磚銘。同有記有銘。又有無記有銘者。墓版文。墳版文。同。墳銘有誌有銘。又銘中着問荅。僅見亦一變體也。

辨體曰、劉先生夫人墓誌、載昭明文選、有銘辭、無序。
後昌黎亦有此體。

王懋公曰、昌黎有女孀壙銘、柳州有墓版無銘、又銘
有雜言、不用韻者、亦所當知。

凌約言曰、近世文士製碑序、終申以銘、猶大雄氏演
法義終宣以偈、多是櫟括上文、不免床上疊床之病。
獨韓柳作銘、超然以他語發揮之、不襲常格。

王懋公曰、近世之士、文而不慚、蔡邕云、吾爲人作銘。
未嘗不有慚容。惟爲郭有道碑、頌無愧耳。夫求文者。
使人不樂如此過矣。然則將如之何。曰、一切詩文、心

所不欲。誓勿爲之而已。因附識於碑後。

辨體曰。韓退之曹成王碑文。不書卒葬年月。不書妻
畧之也。蓋凡墓碑皆立在旣葬之後。此碑之立。距王
薨已二十五年。葬時已自有志。故此但書其大者耳。
太者謂世系也。名字也。功業也。官位爵謚也。所宜詳
焉。此墓碑之例也。

辨體曰。王介甫梅侍讀神道碑。序畧銘詳。蓋效昌黎
劉統軍碑例也。

明辨曰。唐碑制。龜趺螭首。五品以上官用之。而近世
高廣各有等差。則制之密也。蓋葬者旣爲誌。以藏諸

幽又有碑碣表以揭於外其爲體有文有銘又或有
序而其銘或謂之辭或謂之系或謂之頌要之皆銘
也文與誌大畧相似而稍加詳焉故亦有正變二體
其或曰碑或曰碑文或曰墓碑或曰神道碑或曰神
道碑文或曰墓神道碑或曰神道碑銘或曰神道碑
銘并序或曰碑頌皆別題也至于釋老之葬亦得立
碑以僭擬乎品官故或直曰碑或曰碑銘或曰塔碑
銘并序或碑銘并序亦別體也若夫銘之爲體雖不
能如誌銘之備而大畧亦相通焉此不復著

王愬公曰碑正如漢蔡邕司空文烈侯楊公碑陳太

近碑變如魏卽卽淳曹娥碑。

明辨曰按潘尼作潘黃門碣則碣之作自晉始也。唐碣制方跌四首五品以下官用之而近世復有高廣之等則其制益密矣。古者碑之與碣本相通用後世乃以官階之故而別其名其爲文與碑相類而有銘無銘惟人所爲故其題有曰碣銘有曰碣有曰碣頌并序至于專言碣而却有銘或兼言銘而却無銘則亦猶誌銘之不可爲典要也其文有正變二體其銘與韻亦與誌同。

王懋公曰正如潘黃門碣若柳宗元故御史周君碣。

則體之變也。

胡秋宇曰：近世史家修列傳，多據渠家墓誌。筆削成篇，然誌往往紀載溫美，擬類非倫，而史必因之。百世之下，傳信不刊，誰則證者？是以論篤君子，不敢阿所好，蓋慎之也。若柳子故御史周君碣，登之太史氏，無忝矣。

明辨曰：按墓表自東漢始。安帝元初元年，立謁者景君墓表，其文體與碑碣同。有官無官皆可用，非若碑碣之有等級限制也。以其樹於神道，故又稱神道表。其爲文有正有變，錄而辨之，又取旣表以附于篇，則

邇流而窮源也。蓋阡墓道也。

王懋公曰：表正如歐陽修石曼卿墓表。又公有塋岡阡表。路南北曰阡。馮開之曰：表者標也。標其行事尤卓卓者。使後之人共見之。宗仰無已也。

謚議

王懋公曰：謚出于行。樂記曰：聞其謚。知其行也。明制三品以下無謚。則私謚勢不容已矣。謚法之書不一。周公謚法中多後人語。謂盡出於公不可。其後如蔡邕、蘇洵、楊侃之言亦多不確。今爲論文而及謚。則辨

體諡法諡議二條並存。非是明辨獨存諡議得之矣。
王愬公曰。諡法始于周而除于秦。始皇曰。太古有號。
無諡。中古有號。死而以行為諡。如此則子議父。臣議
君。甚無謂也。自今以來除諡法。豈夫祖龍愚矣。去諡
而以世稱。果能一世以至萬世否耶。古者爲美諡以
專顯其聲名。然善行雖多。惟節取其大者以專其善。
故曰。宣惠惠善也。蓋諡號爲人所定。故曰。名生于人。
觀此則可以自主者。自有實行在。又何畏乎人言。但
後人定諡亦必不虛美。不隱惡。乃可以爲彌世摩鈍
之具。不然諡亦有若無矣。雖除之可也。至論私諡其

來已遠。隋王通沒。門人私謚之曰文中。稱其後者。春
秋時。柳下惠卒。門人將諡之。此正欲定其謚耳。柳妻
謂二子不如其知之深。乃曰。夫子之謚宜爲惠。門
人遂從之。而黔婁先生死。其妻亦謂當謚之以康。則
是二老之謚。實定于內子。亦謚之一奇也。此卽私謚
議矣。又何論近世門人朋舊之紛紛哉。徐伯魯以漢
蔡邕有朱公叔私謚議。而謂其事起于東漢。不亦後
乎。

辨體曰。周禮太史喪事考焉。小喪賜謚。疏云。小喪。卿
大夫也。卿大夫喪。君親制之。使太史往賜之。至遣之。

日、小史往爲讀之、又按禮記曰、幼名冠字、五十以伯仲死謚、周道也是、則賜謚之制、實始于周焉、崇文總目載周公謚法一卷、又有春秋謚法廣謚等書、然皆漢魏以來儒者取古人謚號增輯而爲之也、宋仁宗朝、詹山蘇洵嘗奉詔編定、乃取世傳周公謚法以下諸書、定爲三卷、總一百六十八謚、至孝宗淳熙中、浹添鄭樵復本蘇氏書、增損定爲上中下三等、通二百一十謚、爲書以進、大抵謚者所以表其實行、故必由君上所賜、善惡莫之能掩、然在學者亦不可不知其說、

辨體曰按謚法云謚者行之迹大行受大名細行受小名自虎通曰人行始終不能若一故據其終始明別善惡所以勸人爲善而戒人爲惡也由是觀之則謚之所繫豈不重歟漢晉而下凡公卿大夫賜謚必下太常定議博士乃詢察其善惡賢否著爲謚議以上下朝若晉秦秀之議何曾賈充唐獨孤及之議苗俊卿宋鄧忠臣之議歐陽永叔是也常時雖或未能盡從其言然千百載之下讀其辭者莫不油然而興起其好惡之心嗚呼是其所繫豈不甚重乎哉至若近世名儒隱士之沒門人朋舊有私謚易名之議蓋亦

不可不知云

明辨曰按禮記曰先王謚以尊名節以壹惠故行出于已而名生于人使夫善者勸而惡者懼也天子崩則臣下制謚于南郊明受之于天也諸侯薨則太子赴告于天子明受之于君也蓋子不得議父臣不得議君故受之于天子若卿大夫則有司議而謚之故周制太史掌小喪賜謚小史掌卿大夫之喪賜謚秦廢謚法漢乃復之然僅施于君侯而公卿大夫皆不得與唐制太常博士掌王公以下議謚宋制擬謚定于太常覆于考功集議于尚書省其法漸密故歷

代以來有帝后謚議臣僚美惡謚議而其體有四一曰謚議二曰改謚三曰駁議四曰答駁議今制雖設太常博士然不掌謚議大臣沒其家請謚則禮部覆奏或與或否惟上所命與則內閣擬四字以請而欽定之皆得美名初無惡謚以示懲戒而謚議遂廢至于名臣處士法不得謚則門生故吏相與作議而加私謚焉其事起于東漢至今相沿不絕亦可見古法之不盡廢于今也故五日私謚云

王懋公曰謚議如唐獨孤及苗晉卿謚議改謚駁議如唐李邕駁韋巨源謚昭議答駁議如唐獨孤及答

嚴郢駁呂誣謚議私議如漢蔡邕朱公叔私謚議然
爲駁議者文欲明白痛快能如柳柳州之駁復仇議
則善矣。

王懋公曰記曰生名死謚周道也後人謂謚自周公
始當矣或謂黃帝實作謚法非是至于謚欲勸懲天
下非美惡兼舉以寓春秋褒貶之義不可而謚至有
明有美無惡何哉若夫謚當一字二字非古則唐人
之重謚呂誣謚甚確但謂舜禹等字皆謚則又謬觀
書格爾舜與容禹之呼便見

鐵立文起前編卷之七

梅溪 王之績 懋公 集著

猷州 趙 拓偉士 泰訂

四六類

啓

王懋公曰。四六之體。始於連珠。至於啓則書記之類。有大啓。有小啓。或謂自下達上之詞。不知平交用啓者。甚衆。泥則非漢。避景帝諱而無啓。不待言矣。其後有散文。有四六。猶表之在漢晉。與唐宋絕異。自專尚偶麗。而其格卑矣。然亦未可概論。如宋播芳大全上

鐵立文起

前編卷之七

一

持贊
韓愈
白銅
紫雲
陽東
梅

史丞相啓。則絕大手筆。不得作四六觀。彼小言詹詹者。當望而却走矣。○啓在近世特盛。甚至另爲一書。單行。要惟有別才。別趣。乃可擅場。夫惟大雅。卓爾不羣。儷語中尤急須此振靡之手。

或曰。任昉奉答勅示七夕詩。啓述謙讓之懷。紹前後之轍。爲下彬謝修下忠貞墓啓。表忠靖之風。悲宿草之莽。固六朝之妙筆也。言簡意長。唐啓則工麗似賦。矣。宋啓自歐蘇爲之。韻悠辭逸。筆墨間有行雲流水之趣。則又勝於前賢矣。其法先敘事。次入題。末陳所言焉。

帳詞

王懋公曰。帳詞全尚四六。多用之于慶賀。亦啓類也。太上隱者詩云。城市多囂塵。還山弄明月。此等題有此風致。應稱文中之仙。

上梁文

王懋公曰。宋葉愛日齋藁抄。吳氏漫錄考其所始云。後魏溫子升有閭閻門上梁祝文。第不若今時有詩語也。論此體者。多不能窮源。爰表之以見六朝餘韻。至于近代作法。文皆四六。起用伏以。中列六詩。詩後則用伏願起。其詩七言。隨東南西北上下六字之韻。

儀立文起

前編卷之七

二

而爲之如上梁東卽用東韻。他皆倣此。詩三句。首句用韻。次句不用。末句用韻。其平仄首末二句同。而中否如首用平仄平。則中用仄平仄。而末又用平仄平。首用仄平仄亦然。如朝鮮女子許景樊。廣寒宮玉樓上梁文。可謂非想非非想。而又八歲時作。奇乃一至于此。疑其前身爲月中人。

明辨曰。上梁文者。工師上梁之致語也。世俗營構宮室。必擇吉上梁。親賓襄粢。雜他物稱慶。而因以犒匠人。於是匠人之長。以麩拋梁。而誦此文以祝之。其文首尾皆用儼語。而中陳六詩。詩各三句。以按四方上

下蓋俗體也。今錄之以備一體。

沈石夫曰：文以雅上，此直近于俚矣。然景靈宮修蓋，英宗神御殿，安石亦嘗有作，則此亦詞臣不免。非若樂語口號上碑諸體之可槩刪也。若夫道場榜文、青詞、募緣疏、種種外道，雖工弗錄。

樂語 音岳

王慤公曰：坡仙集樂語數篇，皆四六致語也。似短表，似小啓，或以上進，或以平交，其寒食宴提刑致語，風致翩翩，差強人意。○樂語卽坡公亦未極其致。文章一事，真不易言。奈何輕視之。

鐵立文起前編卷之八

梅溪

王之績懋公

集著

猷州

趙 折偉士

泰訂

韻文類

頌

王懋公曰、禮少儀云、頌而無調。諸此作頌法也。至論後世之頌。源於詩之三頌。誰不知之。然而三頌正不容無辨。予觀史遷有言。宋襄公之時。修行仁義。欲爲盟主。其大夫正考父美之。故追道契湯高宗殷。所以興作商頌。而孔子世家又云。正考父佐戴武宣公。及

以宋譜系考之則宣公之後凡歷數君而後至于襄
子長不亦自相矛盾耶有謂戴公時正考父得商頌
十一篇于周太師歸以祀其先王庶幾得之必如襄
公時云云是周魯之頌在前而商頌其後出矣至于
周頌三十一篇多周公所定而亦或有康王以後之
詩或謂成王以周公有大勲勞因賜伯禽以天子禮
樂魯乃有頌以爲廟樂其後又自作詩以美其君亦
謂之頌此頌體正變所由分也漢宣帝時王褒頌聖
主得賢臣雖爲散文而已趨于排偶不足法惟元次
山大唐中興頌序簡潔可喜而于德業二字又講別

不少假借。大有董狐筆意。亦可謂變體中之矯矯者矣。

王慤公曰。王元美謂頌卽四詩之一。贊箋銘哀誄皆其餘音也。附之於文。吾有所未安。予謂推而言之。賦亦詩六義之一。今已入文類矣。何獨不安於頌。世旣曰頌曰賦。則亦賦其文。頌其文而已。雖然。此意不可執。而其說亦不可不存也。

辨體曰。詩大序曰。詩有六義。六曰頌。頌者美盛德之形容。以其成功。告于神明者也。嘗考莊子天運篇。稱黃帝張咸池之樂。焱氏爲頌。斯蓋寓言耳。故頌之名。

實出于詩。若商之那、周之清廟諸什，皆以告神爲頌體之正。至如魯頌之駉、騶等篇，則當時用以祝頌，僖公爲頌之變。故先儒胡氏有曰：後世文人獻頌，特效魯頌而已。文心雕龍云：頌須鋪張揚厲，而以典雅豐蔭爲貴。敷寫似賦，而不入華侈之區。敬慎如銘，而異乎規諫之域。諒哉。

明辨曰：後世所作頌，皆變體也。其詞或用散文，或用韻語。又有哀頌，則任昉所稱漢張縉初作陶侯哀頌者是已。劉勰云：頌之爲體，典雅清鑠，掄揚汪洋，詳味斯言，可以得作頌之法矣。

王慙公曰。散文如漢王褒聖主得賢臣頌。韻語如楊
雄趙克國頌。

箴

辨體曰。按許氏說文。箴。鍼也。商書盤庚曰。無或敢伏
小人之攸箴。蓋箴者規誡之辭。若鍼之療疾。如醫者
病。故以爲名。古有夏商二箴。見于尚書大傳。解呂氏
春秋而殘缺不全。獨周太師辛甲命百官箴。王闕
而虞氏掌輿。故爲虞箴。其辭備載左傳。後之作者。蓋
本于此。東萊云。凡作箴。須用官箴。王闕之意。箴。凡須
依虞箴。獸臣司原。敢告僕夫之類。大抵箴銘贊頌。雖

韻部
卷之
三
詩
經

或均用韻語。而體不同。箴是規諷之文。須有箴戒切
劇之意。有志于文辭者。不可不之考也。
明辨曰。有所諷刺而救其失者。謂之箴。虞人一篇。備
載于左傳。於是楊雄倣而爲之。其後作者相繼。而亦
用以自箴。故其品有二。一曰官箴。二曰私箴。大抵皆
用韻語。以垂警戒。

銘

辨體曰。按銘者。名也。名其器物。以自警也。漢藝文志
稱。道家有黃帝銘六篇。然亡其辭。獨大學所載成湯
盤銘九字。發明日新之義甚切。迨周武王。則凡几席

觴豆之屬無不勒銘以致警戒。厥後又有稱述先人之德善勞烈爲銘者。如春秋時孔惺鼎銘是也。又有以山川宮室門闕爲銘者。若漢班固堅之燕然山。則旌征伐之功。晉張孟陽之劍閣。則戒殊俗之僭叛。其取義又各不同也。傳曰。作器能銘。可以爲大夫。陸士衡云。銘貴博約而溫潤。斯蓋得之矣。

明辨曰。劉勰云。觀器而正名。故曰銘。考諸夏商鼎彝尊。肉盤匱之屬。莫不有銘。而文多殘缺。得湯盤見於大學。而大戴禮備載武王諸銘。其後作者寢繁。蓋不但施之器物而已。然要其體不過有二。一曰警戒。二

目祝頌。又有碑銘、墓碑銘、墓誌銘，不並列于此云。
王愬公曰：武王器物銘十七首之外，周又有金人銘。
嘉量銘，宋正考父有鼎銘。在孔漢有筭銘、漏刻銘、座
右銘、轂銘。李尤有井銘。唐有甲銘、笏銘、石橋銘。宋有
廟銘。近若徐文長書牘銘亦佳。然予喜其痛快而憎
其淺露，不能耐人思索。謬謂武王銘有一二字稍似
題者，有絕不與題相涉者。讀之愈覺其妙，卽極切題
者亦自語意含蓄深遠。凡銘語似當如此。

贊

王愬公曰：贊之文以四言爲句，常也。亦有三字句者。

贊
詩
名
著

又有五言。始于六朝。又或用長短句。亦不可不知。至史記傳末。雖有評斷。猶左氏之君子曰。並無論贊之名。後人妄以贊字加之。遂令至今相沿不改。

辨體曰。按贊者。贊美之辭。文章緣起曰。漢司馬相如作荆軻贊。世已不傳。厥後班孟堅漢史以論爲贊。至宋范曄更以韻語。唐建中中。試進士。以箴論表贊代詩賦。而無頌題。迨後復置博學宏詞科。則頌贊二題皆出矣。西山云。贊頌體式相似。貴乎瞻麗宏肆。而有雅容俯仰。頓挫起伏之態。乃爲佳作。大抵贊有二體。若作散文。當祖班氏史評。若作韻語。當宗東方朔高

像贊。金樓子有云。班固願學。尚云贊頌相似。詎不信然。

明辨曰。贊字本作讚。其體有三。一曰雜贊。意專褒美。若諸集所載人物文章書畫諸贊是也。二曰哀贊。哀人之沒而述德以贊之者是也。三曰史贊。詞兼褒貶。若史記索隱。東漢晉書諸贊是也。劉勰有言。贊之爲體。促而不曠。結言于四字之句。盤桓于數韻之辭。其頌家之細條乎。可謂得之矣。至其謂班固之贊。與此同流。則余未敢以爲然也。蓋嘗取而玩之。其述贊也。名雖爲贊。而實則評論之文。其敘傳也。詞雖似贊。而

實則小序之語。安得樂謂之贊而無辨乎。

王懋公曰。雜贊如魏王粲正考父贊。哀贊如漢蔡邕議郎胡公夫人哀贊。史贊如范曄後漢書光武紀贊。

連珠

王懋公曰。連之爲言貫也。珠則有取於珠圓玉潤之意。凡論文只在顧名思義。知其義則知所以爲文矣。辨體曰。按晉傅玄云。連珠興于漢章帝之世。班固賈逵亦嘗受詔作之。蔡邕張華又嘗廣焉。考之文選。止載陸士衡五十首。而曰。演連珠。言演舊義以廣之也。大抵連珠之文。穿貫事理。如珠在貫。其辭麗其言約。

不直指事情。必假物陳義。以達其旨。有合古詩風興之義。其體則四六對偶。而有韻。自士衡後。作者蓋鮮。洪武初。宋王二老有作。亦如士衡之數。今錄之以爲嗜古者之助。且以著四六對偶之所始云。明辨曰。按連珠者。假物陳義。以通諷諭之詞也。蓋楊雄綜述碎文。肇爲連珠。而班固賈逵傳毅之流。受詔繼作。傅玄乃云。興于漢章之世。誤矣。其體屢轉。或二或三。工于此者。必使義明而辭淨。字圓而音澤。否則惡能免于劉勰之嘲耶。

篇

王慤公曰。詩類有篇。而文亦有之。如楊升菴無悶篇。是已。此雖用韻。而終不得目之爲詩。蓋與歌行自無庭也。

鐵立文苑前編卷之九

梅溪

王之績懋公

集著

猷州

趙拓偉士

參訂

賦通論

王懋公曰。賦之爲物。非詩非文。體格大異。而人之好惡亦不能同。如漢宣帝謂辭賦大者與詩同義。小者辨麗可嘉。譬如女工有綺縠。音樂有鄭衛。而宋胡安定自慶曆中。教學于蘇湖二十餘年。是時方尚辭賦。獨湖學以經義及時務學中有經義。齊治事。齊經義。齊䟽通有器局者。居之治事。齊人各治一事。又兼一

事如邊防水利之類。凡此皆黜賦之說也。若夫觀千
劍則能劍。讀千賦則能賦。非深嗜篤好。何以至此。蘇
玉勸道陳傳道書。謂日課一詩。甚善。此技雖高。才非
甚習。不能工。聖俞昔嘗如此。詩固有之。雜賦亦然。知
不得以浮慕而擅場明矣。爰爲從事此道者。詳論列
焉。
王慤公曰。昔人以賦爲古詩之流。然其體不一。而必
以古爲歸。倘之文。必以散文爲歸也。顧均之爲古賦。
而正變分焉。大抵辭賦窮工。皆以詩之風雅頌賦比
興之義爲宗。此如山之祖崑崙。黃河之水天上來也。

故論賦者亦必首律之以六義如得風雅頌賦比興之意則爲正反是則爲變若以古賦而間流於俳與文亦變體也八韻律賦盛於開元之世以其時詔以詩賦取士故也此皆諸賦正變之所由分不可以不辨而晉皇甫玄晏乃僅以美麗爲言則亦淺之乎其論賦矣

王慤公曰賦有古俳文律大小諸體之分固截然無容潤至于古今作者之概則合王袁二家之論足以括之由瑯琊之說則作賦甚難然吾以其言難而又見其易由公安之說則作賦甚易然吾以其言易而

又見其難。盧次楸賦畧序云。予得盧栢古詩歌行。讀而小異之。至讀諸賦。則未嘗不爽然自失也。三問家言。忠愛。悱惻。怨而不怒。悠然詩之風哉。長卿務以靡麗宏博。旁引曲喻。其要歸卒澤于雅。子雲謂之從神化來耶。然自東京以下。蔑如也。諸儒先生號名能文章家。奈何取其所論著。而姑韻之以爲賦。若茲乎哉。卽盧生所就。幽鞠放招。凡三十餘篇。其概不得離津筏而上之。然而大指可諷也。窮天地之紀。采人物之變。與天喬走飛之態。經緯臚列。假二三能言之士。如宋玉。景差者。蟬緩于左徒。屈原爲楚左徒。之門。豈其先精。

而室哉。與江長洲書云。近日讀古今名人諸賦。始知蘇子瞻歐陽永叔輩見識真不可及。夫物始繁者終必簡。始晦者終必明。始亂者終必整。始艱者終必流。麗痛快其繁也。晦也。亂也。艱也。文之始也。如衣之繁複。禮之周折。樂之古質。封建井田之紛紛擾擾是也。古之不能爲今者。勢也。其簡也。明也。整也。流麗痛快也。文之變也。夫豈不能爲繁爲亂爲艱爲晦然已簡。安用繁已整。安用亂已明。安用晦已流麗痛快。安用敖牙之語艱深之辭。譬如周書大誥多方等篇。古之告示也。今尚可作告示否。毛詩鄭衛等風。古之淫詞。

媒語也。今人所唱銀柳絲掛鍼兒之類。可一字相襲。否。世道既變。文亦因之。今之不必摹古者也。亦勢也。張左之賦。稍異楊馬。至江淹庾信諸人。抑又甚矣。唐賦最明白簡易。至蘇子瞻直文耳。然賦體日變。賦心益工。古不可優。今不可劣。若使今日執筆。機軸尤爲不同。何也。人事物態。有時而更。鄉語方言。有時而易。事今日之事。則亦文今日之文而已矣。盧摶諸君。不知賦爲何物。乃將經史海篇字眼。盡意抄謄。謬謂復古。不亦大可笑哉。嗟夫。以一人之所爲文。而論昔或登之于天。或推之于淵。豈果文無定論乎。予謂著作。

易學

者。流。才。不。大。不。可。文。不。真。不。可。要。未。有。無。大。才。而。能。
爲。真。文。者。故。賦。非。畏。難。就。易。者。可。假。借。且。賦。心。真。可。
也。不。工。不。可。也。彼。有。但。韻。未。除。而。輕。言。風。雅。是。野。狐。
禪。亦。真。可。以。成。佛。作。祖。耶。

玉鳳洲曰。作賦之法。大抵須包蓄千古之材。牢籠宇
宙之態。其變幻之極。如滄溟開晦。絢爛之至。如霞錦
炤灼。然後徐而約之。使指有所在。若汗漫縱橫。無首
無尾。不知結束之妙。又或瑰偉宏富。而神氣不流動。
如大海乍涸。萬寶雜廁。皆是瑕璧。有損連城。然此易
耳。惟寒儉率易。十室之邑。借理自文。乃爲害也。賦家

不患無意。患在無蓄。不患無蓄。患在無以運之。

王懋公曰。黃雲孫謂文筆易工。賦心難學。此亦一說。雖然。有長于文而短于賦者。司馬遷是也。有長于賦而短于文者。司馬相如是也。天下事何可以概論。王懋公曰。賦有情與詞。理之別。毛詩屈賦皆發于情。而理與辭自赴之。所以不可及。嚴氏論詩。謂有別趣。非開理也。東坡前赤壁賦。自變者而觀之。自不變者而觀之。李溫陵塗抹以爲正好發揮。可惜說理而且謂俗氣甚。此雖無碍于蘇。而亦後之學賦者所當知。文章精義曰。賦有辭到者。于塘澆瀝堆是也。有理到

新舊

者。天慶觀乳泉是也。

楊子雲曰。或曰賦可以諷乎。曰諷則已。不已。吾恐不

免于勸也。

勸。相如作大人賦。武帝覽之。有飄飄凌雲之志。

都穆氏南濠詩話曰。六經如詩書春秋禮記。所載無非實事。自騷賦之作。興託爲漁父卜者。及無是公。烏有先生之類。而文詞始多漫語。其言悉出於莊子。莊子一書。大抵皆寓言也。

精義曰。賦設問答。如西都貴東都主人之類。至于瞻後杞菊賦起句云。吁嗟先生。誰使汝坐堂上。稱太守。便自風采百倍。

王懋公曰。賦有以七言絕句起者。此須來得有迅。不可遏之勢。如雷轟電掣。方佳。賦後有詩。如班孟堅西都賦。後有明堂辟雍靈臺寶鼎白雉五詩是也。此亦一體不可不知。

祝氏堯曰。古今作歌。莫非以騷爲祖。他有詩曰。重曰之類。卽是亂辭。中間作歌。如前赤壁之類。用倡曰少歌曰體。賦尾作歌。如齊梁以來諸人所作。用漁父體。辨體曰。所謂少歌倡亂。皆是樂歌音節之名。○篇章之成。撮大要以爲亂辭。或曰。賦有所謂系曰。系者。繫一賦之意也。

離騷 九歌 九章 屈原 招魂 宋玉 亦當有 辨

王懋公曰。凡作亂辭。必別有言語。與前不同。得百八竿頭。更進之法。方爲盡善。若徒就前說。而摠作數句。又何取于亂。

古賦

明辨曰。離騷遠遊招魂。及九歌九章九辨。實爲古賦之祖。卜居文賦之祖也。王懋公曰。我以屈原爲賦之聖。或以推司馬長卿。謬矣。

辨體曰、按賦者古詩之流、漢藝文志曰、古者諸侯卿大夫交接隣國、必稱詩以喻意、春秋之後、聘問歌咏、

不行於列國。而賢人失志之賦作矣。大儒荀卿及楚臣屈原離譏憂國。皆作賦以諷。其後宋玉唐勒枚乘司馬相如下及楊子雲。競爲侈麗閎衍之辭。而風諭之義沒矣。迨近世祝氏著古賦辨體。因本漢志之言而斷之曰。屈子離騷卽古賦也。古詩之義。若荀卿成相。佷詩是也。然其所載。則以離騷爲首。而成相。等勿錄。尚論世次。屈在荀後。而成相。佷詩。亦非賦體。故今特附古歌謠後。而仍載楚詞于古賦之首。蓋欲學賦者。必以是爲先也。宋景文公有言。離騷爲辭賦祖。後人爲之。如至方不能加矩。至圓不能過規。信哉。

明辨曰按詩有六義其二曰賦所謂賦者敷陳其事而直言之也古者君臣交接隣國揖讓之時必稱詩喻意以別賢不肖而觀盛衰如晉公子重耳之秦秦穆公饗之賦六月魯文公如晉晉襄公饗公賦菁菁者莪鄭穆公與魯文公宴于棐子家賦鳴鴈魯穆叔如晉見中行獻子賦折父之類皆以吟咏性情各從義類故情形于辭則麗而可觀辭合于理則則而可法楊雄所謂詩人之賦麗以則者是已春秋之後學詩之士逸在布衣而賢士失志之賦作矣屈原宋玉楚辭是也楊雄所謂詞人之賦麗以淫者正指此也

然自今而觀楚辭亦發乎情而用以爲諷實兼六義而時出之辭雖太麗而義尚可則趙人荀况遊宦于楚考其時在屈原之前所作五賦工巧深刻純用隱語君子蓋無取焉兩漢而下賈生以命世之才俯就騷律非一時諸人所及他如相如長于敘事而或昧于情楊雄長于說理而或畧于辭至于班固辭理俱失若是者何凡以不發乎情耳然上林甘泉極其鋪張終歸于諷諫而風之義未泯兩都等賦極其眩曜終折以法度而雅頌之義未泯長門自悼等賦緣情發義托物興詞咸有和平從容之意而比興之義未

此詩
辨

祇故君子猶有取焉。以其爲古賦之流也。三國兩晉
以及六朝再變而爲俳。唐人又再變而爲律。宋人又
再變而爲文。夫俳賦尚辭而失于情。故讀之者無興
起之妙趣。不可以言賦矣。文賦尚理而失于辭。故讀
之者無咏歌之遺音。不可以言麗矣。至于律賦其變
愈下。始于沈約四聲入病之拘。中于徐庾隔句作對
之隘。終于隋唐取士限韻之制。但以音律諧協對偶
精切爲至。而情與辭皆置弗論。故今分爲四體。一曰
古賦。二曰俳賦。三曰文賦。四曰律賦。

王懋公曰。楊子麗澤之說。但指宋玉景差唐勒枚乘

又

輩非并坐屈原也。明辨誤矣。觀楊子或問自知之。
蘇子瞻曰：楊雄好爲艱深之詞，以文淺易之說。若正
言之，則人人知之矣。此正所謂剔蟲篆刻者，其太玄
法言皆是物也。而獨悔于賦何哉？終身凋蟲而獨變
其音節，便謂之經可乎？屈原作離騷，蓋風雅之再變
者，雖與日月爭光，也可以其似賦而謂之剔蟲乎？
賈誼見孔子升堂有餘矣，而乃以賦鄙之，雄之陋如
此，此者甚衆。

王懋公曰：古賦如漢司馬相如長門班婕妤自悼，持
素張衡思立晉潘岳秋興唐柳宗元夢歸漢福衡鸚

鵲。魏王粲登樓。晉係綽遊天台山。漢楊雄甘泉以上
正體而俳體間出於其中。宋蘇軾屈原廟。漢司馬相
如子虛上林。班固兩都。晉潘岳藉田。以上變體而流
于文賦之漸。俳賦如晉陸機文賦。宋鮑照蕪城。謝惠
連雪賦。謝莊月賦。鮑照野鵲。顏延之楮白馬。鮑照舞
鶴文賦。如漢楊雄長楊。唐杜牧阿房宮。宋蘇軾前赤
壁律賦。如唐韓愈明水。宋王曾。有物混成。秦觀郭子
儀單騎見魯之類是也。

俳賦

明辨曰。自楚辭有製菱荷以爲衣。集芙蓉以爲裳等。

鐵立文苑

前編卷之九

九

句已類俳語。然猶一句中自作對耳。及相如左烏號之彫弓。右夏服之勁箭等句。始分兩句作對。而俳遂甚焉。後人倣之。遂成此體。

王懋公曰。吳香爲云。嚴子羽曰。學詩須先讀楚辭。紉秋蘭以爲佩。蘭可紉乎。駕飛龍以爲車。龍可駕乎。荷衣蓉裳。亦作如是觀。因附論于此。

文賦

明辨曰。按楚辭卜居漁父二篇。已肇文體。而子虛上林兩部等作。則首尾是文。後人倣之。純用此體。蓋議論有韻之文也。

林氏希恩詩文浪談曰騷之後有賦賦之後有文賦亦耻相襲也。

律賦

辨體曰律賦起于六朝而盛于唐宋。凡取士以之命題每篇限以八韻而成。要在音律諧協對偶精切爲工。迨元氏塲屋更用古賦。由是學者棄而弗習。今錄一二以備其體云。

明辨曰六朝沈約輩出四聲入病之拘而俳遂入於律。徐庾繼起又復隔句對聯以爲四六而律益細焉。隋進士科專用此體。

宋王栻氏燕翼貽謀錄曰、國初進士、詞賦押韻、不拘
平仄次序、太平興國三年九月、始詔進士律賦、平仄
次第用韻、而考官所出官韻、必用四平四仄、詞賦自
此整齊、讀之鏗鏘可聽矣。
華無技曰、凡應試之賦、其體格便覺拘束、而少天然
之韻致、故文苑英華中賦最多、不欲多錄。

大賦

王慤公曰、賦自古俳文律之外、又有大小之名、從何
始耶、昔宋玉大言賦云、方地爲車、員天爲蓋、長劍耿
介、倚乎天外、小言賦云、館于蠅鬚、宴于毫端、烹鼈腦。

切幾肝。此特其所言者。有大小之分耳。後人分賦大
小。蓋分之于其題也。或謂宋玉對楚王問。爲小賦之
始。謬甚。此乃問對之文。與賦何預。

或曰。大賦如子虛。南京。三都。郭璞江賦。盧肇海潮賦。
等類是也。學者傳極羣書。方得選材豪富。拓開萬古。
方得標旨空曠。多設問難。方得變化開闢之法。

小賦

或曰。小賦如賈誼弔屈原。鵬賦。庾敳意賦。束皙風賦。
王褒簫笛諸賦。晉魏六朝後學。卽席就賦是也。機敏
才捷。思巧文妍。擅譽席談矣。

王。懋。公。曰。歐。文。忠。有。鳴。蟬。賦。王。守。溪。云。大。凡。作。此。小。
賦。畧。靠。在。人。事。上。說。道。理。方。說。得。有。去。處。且。覺。艷。麗。
動。人。不。然。一。蟬。之。微。有。何。可。說。縱。說。亦。無。味。了。此。論。
能。開。後。來。無。限。法。門。又。如。陸。龜。蒙。零。陵。總。記。張。登。長。
于。小。賦。氣。宏。而。密。間。不。容。髮。有。織。成。隱。起。往。往。蹙。金。
之。狀。數。語。尤。令。人。歎。絕。

鐵立文起前編卷之十

梅溪 王之績懋公 集著

猷州 趙 拓偉士 泰訂

論歷朝賦

皇甫謐曰。古人稱不歌而頌。謂之賦。然則賦也者。所以因物造端。敷弘體理。欲人不能加引而申之。故文必極美。觸類而長之。故辭必盡麗。然則美麗之文。賦之作也。昔之爲文者。非苟尚辭而已。將以紐之王教。本乎勸戒也。自夏殷以前。其文隱沒。靡得而詳焉。周監二代。文質之體。百世可知。故孔子采萬國之風。正

雅頌之名集而謂之詩。詩人之作。雜有賦體。子夏序詩曰。一曰風。二曰賦。故知賦者古詩之流也。至於戰國王道凌遲。風雅寢頓。於是賢人失志。詞賦作焉。是以孫卿屈原之屬。適文炳然。辭義可觀。存其所感。咸有古詩之意。皆因文以寄其心。託理以全其制。賦之首也。及宋玉之徒。淫文放言。過于實。誇競之興。體失之漸。風雅之則。於是乎乖。逮漢賈誼。頗節之以禮。自時厥後。綴文之士。不率典言。並務恢張。其文博誕。空類。擬。皆大也。言不大者。罩天地之表。細者入毫纖之內。雖充車聯駟。不足以載。廣廈接榱。不容以居。

也。其中高者，至如相如上林、楊雄、甘泉、班固、兩都、張衡、二京、馬融、廣成、王生、靈光、初極宏侈之辭，終以約簡之制，煥乎有文。蔚爾鮮集，皆近代辭賦之偉也。若夫土有常產，俗有舊風，方以類聚，物以羣分。而長卿之傳，過以非力之物。非方之物，謂所述非其地所出。泉言玉樹，寄以中域。虛張異類，託有于無。祖構之士，青葱之類。雷同影附，流宕忘反也。容過非一時也。謂也，構，作也。王懋公曰：「統觀古今賦，有五失：有以艱深失之者，有以淺陋失之者，有以直說失之者，有以不能定宗失之者，有以不知詩教失之者。」王元美論賦，明白條易。

便乖厥體。又曰：勿令不讀書人易竟。極其流弊，必至于艱難深晦，而後已。不知古人非故示人以難也。葛稚川曰：古之著書者，才大思深，故其文隱而難曉。今人意淺力近，故其文露而易見。故水不發崑崙，則不能揚洪流；以東漸，書不出英俊，則不能備致遠之弘韻焉。然則古人雖有隱而難曉之文，一出于自然術之龍翔雲附，虎嘯風生，其勢然也。今人以艱深之詞，文淺近之意，尚得謂之文哉？朱晦菴嘗謂楚辭平易，後人學做者，反艱深，都不可曉，此其失之者一也。樂天爲詩，必老嫗能解，而後存，所以自俗譏並元輕揚。

子雲曰。五百年後必有知者。卽不爲此。亦何至以婦人爲詩文之知己。有人問考亭高遠。焚舟決勝賦甚淺陋。曰。文選齊梁間江總之徒。賦皆不好了。此其失之者一也。記曰。天地之道。一言而盡。此談理之宗。而非作文之法。千里江陵一日還。何若曲而有直體之爲勝乎。南軒張氏論作詩不可直說破。須如詩人婉而成章。楚辭最得詩人之意。如言沅有芷兮澧有蘭。思公子兮未敢言。思是人也。而不言。則思之之意深。而不可以言語形容。若說破如何思。如何思。則意味淺矣。此其失之者一也。或問紫陽司馬相如賦似作。

之甚易曰然又曰林艾軒云司馬相如賦之聖者揚子雲班孟堅只填得他腔子如何得似他自在流出左太冲張平子竭盡氣力又更不及予謂若以長卿爲賦之聖則後之作賦者第宗長卿可矣今觀其賦惟有長門以意勝他若子虛上林特靡麗無情之詞而已聖于賦者顧如是乎林之所謂聖者特以其不勞而就而餘子皆不能也孰知稱聖亦別之于意而已必如所云古賦須熟看屈宋韓柳所作乃有進步然後得之使人競趨于詞而賦之體壞矣此其失之者一也三百之詩所以治性情教忠孝賦何獨不然

詩
興
大
器

陸象山曰詩之學尚矣。原于虞歌。委于風雅。風雅之
樂。華而溢者也。湘纍之騷。又其流也。子雲長揚之賦。
作而騷幾亡矣。彭澤一源。來自天授。與衆殊趣。而淡
薄平蕪。玩嗜者少。杜陵之山。愛君悼時。追躡騷雅。而
才力宏厚。偉然足以鎮浮靡。子謂賦家有陶之性情。
杜之忠愛。而後與詩教合。不然。直彫蟲耳。何以賦爲。
此其失之者一也。嗟夫。昔人稱山谷詩之孝。工部詩
之忠。子亦謂瞻顧。楚國係心懷王。靈均賦之心。長卿
徒以包括宇宙。總覽人物。當賦心末矣。故無左徒之
忠。而徒以賦鳴。君子所不許。

楚辭集卷之十一
楚辭集卷之十一
楚辭集卷之十一
楚辭集卷之十一
楚辭集卷之十一
楚辭集卷之十一
楚辭集卷之十一
楚辭集卷之十一
楚辭集卷之十一
楚辭集卷之十一

楚賦

辨體曰祝氏曰按屈原爲騷時江漢皆楚地蓋自王
化行於南國漢廣江有汜諸詩已列于二南十五國
風之先風雅既變而楚狂鳳兮滄浪孺子之歌莫不
發乎情止乎禮義猶有詩人之六義但稍變詩之本
體以兮字爲讀音遂爲楚聲之萌蘖也原最後出本
詩之義以爲騷騷蓋兼詩六義而賦之意居多但世號楚辭不正名
曰賦然自漢以來賦家體製大抵皆祖于是焉又按
騷菴曰凡其寓情草木託意男女以極遊觀之遠者
變風之流也敘事陳情感今懷古不忘君臣之義者

變雅之類也。其語事神歌舞之盛，則幾乎頌矣。至其爲賦，則如騷經首章之云：「比則如香草，惡物之類。」興則託物興詞，初不取義。如九歌「沅芷澧蘭」以興思公子，而未敢言之爲也。但詩之興多，而比賦少；騷則興少，而比賦多。賦者要當辨此，而後辭義不失古詩之義矣。

馮開之評離騷曰：「攬其菁華，如微雲染空，映手脫去。玩其瑤實，將青春無主，移人愈深。」

明辨曰：按楚辭詩之變也。厥後宋玉繼作，並號楚辭，自是辭賦家悉祖此體。故今列屈宋諸辭于篇，而自

漢至宋凡倣作者附焉其他曰賦曰操曰文則各見本類

揚子雲曰或問景差唐勒宋玉枚乘之賦也益乎曰必也淫淫誇誕過實之辭無益于正淫則柰何曰詩人之賦麗以則辭人之賦麗以淫

或曰宋玉變騷而爲賦婉約風流上不乖諷諫之旨下能善藏身之道蓋深於道德功名之際者而獨以文見如高唐神女諸篇是也

漢賦

辨體曰祝氏曰揚子雲云詩人之賦麗以則詞人之

賦麗以淫。夫騷人之賦。與詩人之賦。雖異。然猶有古詩之義。辭雖麗而義可則。至詞人之賦。則辭極麗而過于淫蕩矣。蓋詩人之賦。以其吟咏性情也。騷人所賦。有古詩之義者。亦以其發于情也。其情不自知而形于辭。其辭不自知而合于理。情形于辭。故麗而可則。辭合于理。故則而可法。如或失于情。尚辭而不尚意。則無興起之妙。而於則也何有。又或失于辭。尚理而不尚辭。則無咏歌之遺。而於麗也何有。二十五篇。屈原之騷。無非發于情。故其辭也麗。其理也則。而有賦比興風雅頌諸義。漢興。專取詩中賦之一義。以爲

賦文取騷中瞻麗之辭以爲辭。若情若理。有不暇及。故其爲麗也。異乎風騷之麗。而則之與潘。遂判矣。古今言賦。自騷之外。咸以兩漢爲古。蓋非魏晉以還。所及心乎古賦者。誠當祖騷而宗漢。去其所以潘而取其所以則。庶不失古賦之本義云。

或曰。賈生弔屈。所謂通人豪士之筆。不窮辭極思。然亦自與俊。○賈生用世才。所爲賦自成一家。

蘇子瞻曰。列仙之隱居山澤間。形容甚臞。此始四果人也。而相如辭之作大人賦。不過欲以侈言廣武帝意耳。夫所謂大人者。相如孺子。何足以知之。若賈生

楚辭

鵬鳥賦真大人者也。

楚辭

辨體曰。祝氏曰。長門賦以賦體而雜出于風比興之義。其情思纏綿。敢言而不敢怨者。風之義。篇中如天飄飄而疾風及孤雌時于枯楊之類。皆比之義。上下蘭臺遙望周步。援琴變調。視月精光。等語。與之義。蓋六義中。惟風興二義。每發于情。最爲動人。而能發人之才思。長卿之賦甚多。而此篇最傑出者。有風興之義也。故晦翁稱此文古妙。嘗以長卿之于虛上林較之。長門如出二手。三賦尚辭。極其靡麗。而不本于情。終無深遠意味。長門尚意。感動人心。所謂情動于中。

徵立文起

前編卷之十

七

即長
卿大人
妙

而形于言。雖不尚辭而辭亦在意之中。由此觀之。賦家果可尚辭而不尚意乎。尚意則古之六義可兼。是所謂詩人之賦。而非後世詞人之賦矣。

沈鶴山曰。長門賦哀怨悲涼。開千古閉思之祖。

王懋公曰。子虛大人史遷譏其靡麗多誇。予謂卽此四字已盡長卿生平之賦。王弼州稱爲賦之聖。造體極玄。使子長聞之。當掩口而笑矣。

王懋公曰。韓子論文貴自樹立。可稱卓識。康德涵謂古人作文皆有依倣。相如大人賦全用植平遠遊中語。予謂以此勝杜撰家則可。而必援以爲訓。獨不曰。

前無古人乎。噫。過矣。

王懋公曰。或謂子虛上林。材極富。辭極麗。而運筆極
古雅。精神極流動。所以不可及。予獨喜倪正父謂賦
無異。直誇多閎靡。如魚龍曼衍。欲不可極。使人動心
駭目。最爲知言矣。

辨體曰。祝氏曰。子虛上林。雖曰兩篇。實則一篇也。賦
之問答體。其原自卜居漁父來。厥後宋玉輩述之。至
漢而此體遂盛。此二賦及兩都二京三都等作。皆然。
蓋又別爲一體。首尾是文。中間乃賦。世傳既久。變而
又變。其中間之賦。以鋪張爲靡。而專于辭者。則流爲

齊梁唐初之俳體其首尾之文以議論爲俊而專于
理者則流爲唐末及宋之文體性情益遠六義漸盡
然此等鋪敘之文雖達于情猶是賦之本義若施之
臺閣深爲得體故必取天地百神之奇怪使其辭夸
取風雲山川之形態使其詞媚取鳥獸草木之名物
使其詞瞻取金璧綵繪之容色使其詞藻取宮室城
闕之制度使其詞壯則詞人之賦吾旣盡之然後自
賦之體而兼取他義當諷刺則諷刺而取之風當援
引則援引而取諸比當假托則假托而取諸興當正
言則正言而取諸雅當歌咏則歌咏而取諸頌則詩

人之賦吾又兼之矣。

鍾伯敬曰。文各有體。體各有宜。于虛賦體也。其語言艱滯。字句繁複。處讀之俱不厭。而末章曲終奏雅。反覺索然黯然。所謂儒冠而胡服也。

西京雜記曰。司馬相如爲上林子虛賦。意思蕭散。不復與外事相關。控引天地。錯綜古今。忽然而睡。煥然而興。幾百日而後成。其友人盛覽。字長。梓。何名士。嘗通。問以作賦相如曰。合綦組以成文。列錦繡而爲質。一經一緯。一宮一商。此賦之迹也。賦家之心。苞括宇宙。總覽人物。斯乃得之于內。不可得而傳。覽乃作合組。

歌列錦賦而退。終身不復敢言作賦之心矣。

楊子雲曰：長卿賦不似從人間來，其神化所至耶？大
諦能讀千賦，則能爲之。諺曰：伏習衆神，巧者不過習
者之門。

茅鹿門曰：長卿賦多爲硯礪奇崛，騷再變矣。特檄蜀
父老諫獵書絕佳。

王懋公曰：歸安盛稱檄蜀諫獵，亦未確。介州謂長卿
以賦爲文，故難蜀封禪，綿麗少骨，最爲得之。

明辨曰：宋朱熹曰：晁補之以爲班婕妤自悼賦，詞甚
古而侵尋于楚人，非特婦人女子之能言者，是固然。

矣。至其情雖出于幽怨，而能引分以自安，援古以自慰。和平中正，終不過于慘傷。又其德性之美，學問之力，有過人者，則論者有不及也。

王慤公曰：史稱楊雄嘗好辭賦，先是司馬相如作賦，甚弘麗溫雅，雄心壯之，每作賦，嘗擬之以爲式。又謂屈原文過相如此一語，殊確。今特表之。

辨體曰：楊雄雅好奇字，人或載酒從問，故賦中難字最多。厥後靈光江海等賦，皆以用此等字爲體。然賦之爲古，亦視六義所發何如耳。豈專尚奇難之字，以爲古哉？至其辭，則全倣司馬長卿，真所謂同工而異。

曲者蓋自長卿諸人就騷中分出侈麗之一體以爲賦。至于雲此體遂盛。不因于情。不止于理。而惟事手詞。而流于潘矣。先儒謂雄晚年亦自悔噫。明辨曰。宋祝堯曰。甘泉全倣相如之文。雖曰因宮室田獵等事以起興。然務矜誇而非咏歌。則興之義變甚矣。雖曰取天地百神等物以爲比。然涉奇怪而傷博雅。比之義變甚矣。雖曰陳古昔帝王之迹以含諷。然近諛佞而非柔婉。風之義變甚矣。雖曰稱朝廷功德等美以倣雅頌。然多文飾而非正大雅頌之義又變甚矣。

徐禎卿曰。昔桓譚學賦于楊雄。雄令讀千首賦。蓋所以廣其資。亦得以參其變也。

王懋公曰。子虛上林。創見亦佳。後再蹈襲。則堆塞可厭矣。子雲甘泉。加以詭譎。更不足法。孟堅兩都。雖用鋪張。猶不甚貪。其自謂義正。楊雄事實相如。亦實錄也。

明辨曰。宋祝堯曰。西都東都兩篇。實亦一篇也。前篇極其眩曜。賦中之賦也。後篇折以法度。賦中之雅也。篇末五詩。則又賦中之頌也。嗣是張衡作兩京南都。左思作三都賦。大抵祖此。

沈石夫曰。西都麗而不靡。似儆相如諸篇。而骨法自具。東京大作于東都。意歸典則。不尚侈靡。相其體裁。直欲自成一家。不欲規模揚雄。彷彿相如也。

班孟堅曰。或曰賦者古詩之流也。昔成康沒而頌聲寢。王澤竭而詩不作。大漢初定。日不暇給。至于武宣之世。乃崇禮官。考文章。內設金馬石渠之署。外興樂府。協律之事。以興廢繼絕。潤色鴻業。是以衆庶悅豫。福應尤盛。白麟赤雁芝房寶鼎之歌。薦于郊廟。神雀五鳳甘露黃龍之瑞。以爲年紀。故言語侍從之臣。若司馬相如。虞丘壽王。東方朔。枚皋。王褒。劉向之屬。朝

孝
忠
義
廉
恥
人
分
類
太
史
公

久。論思日月獻納。出公卿大臣。御使大夫倪寬。太常
孔臧。太中大夫韋仲舒。宗正劉德。太子太傅蕭望之
等。時時間作。或以舒下情而通諷諭。或以宣上德而
盡忠孝。雍容掄揚。著于後嗣。抑亦雅頌之亞也。故孝
成之世。論而錄之。蓋奏御者千有餘篇。而後大漢之
文章炳焉。與二代同風。且夫道有滂隆。學有麗密。因
時而建德者。不以遠近易則。故皋陶歌虞。奚斯頌魯。
同見采于孔氏。列于詩書。其義一也。稽之上古。則如
彼。考之漢室。又如此。斯事雖細。然先臣之舊式。國家
之遺美。不可闕也。故作兩都賦。以極衆人之所瞻仰。

折以今之法度。

王慤公曰。傳稱張衡少善屬文。時天下自王侯以下。莫不踰侈。乃擬班固兩都作二京以諷。所謂平子研京。末年太冲練都一紀是也。前此枚舉速而不工。相如工而不速。要未有若是用功之深者。後人猶謂三都兩京博而不奇。誰云文章小道而可易視之。

鐵立文起前編卷之十一

梅溪 王之績懋公 集著

猷州 趙 拓偉士 泰訂

三國六朝

辨體曰祝氏曰嘗觀古之詩人其賦古也則于古有懷其賦今也則於今有感其賦事也則于事有觸其賦物也則于物有況情之所在索之而愈深窮之而愈妙彼其于辭直寄焉而已矣後之辭人刊陳落腐惟恐一語未新搜奇摘艷惟恐一字未巧抽黃對白惟恐一聯未偶同聲搗病惟恐一韻未協辭之所爲

聲矣而愈求妍矣而愈飾彼其於情直外焉而已矣。蓋西漢之賦其辭工於楚騷東漢之賦其又工于西漢。以至三國六朝之賦一代工于一代辭愈工則情愈短而味愈淺味愈淺則體愈下建安七子獨王仲宣辭賦有古風至晉陸士衡輩文賦等作已作俳體流至潘岳首尾絕俳迨沈休文等出四聲八病起而俳體又入于律矣徐庾繼出又復隔句對聯以爲駢四。儀六。簇事對偶以爲博古洽聞有辭無情義亡體失此六朝之賦所以益遠于古然其中有安仁秋興明達舞鶴等篇雖曰其辭不過後代之辭乃若其情

以猶得古詩之情矣。於此益歎古今人情如此。其不相遠。古詩賦義其終不泯也。

辨體曰。祝氏曰。福正平。鸚鵡中含風興之義。蓋以物爲比。而寓其羈棲流落無聊不平之情。凡咏物當以此爲法。

或曰。登樓賦。朴茂勁質。魏文高手。

王懋公曰。曹子桓謂仲宣自善於詞賦。惜其體弱。不足起其文。吳才老稱陳琳大荒賦。用韻極奇。古而陳思乃曰。以孔章之才。不問于詞賦。而多自謂與長卿同風。譬畫虎不成者也。似未免抑之太過矣。

王懋公曰左思傳云思先造齊都賦復欲作三都乃
詣著作郎張載訪岷邛之事構思十年門庭皆著紙
筆遇得一句卽便疏之張華見而歎曰班張之流也
使讀之者盡而有餘久而更新其見推于時人如此
蓋緣留心此道非一朝夕故也譚友夏論文精神大
用則大垂小用則小垂信非無稽之言矣

辨體曰陸士衡敘作文之變態以爲賦中曰其爲物
也多姿其爲道也屢遷其會意也尚巧其遺言也貴
妍蓋當時貴尚妍巧以爲至文也

王懋公曰文貴高古而賤妍巧桃李之穠艷何如松

附錄
卷之六

栢之蒼鬱。卽以辭賦論。如淮南之招隱士。此豈六朝
才人所能措手。

明辨曰。潘岳秋興賦。其情尚覺春容。其詞不費斧鑿。
漢魏風流。猶有存者。

歸玄恭題秋懷詩曰。詩雖以秋懷爲題。詩不獨賦秋
也。潘安仁之賦秋興也。惟于歸燕吟蟬。流氛槁葉。清
露流火。禽魚草木物色之間。津津靡已。其所感者淺
也。若杜陵之入詩。則宮闕山河之感。衣冠人物之悲。
百年世變。一生行藏。皆在焉。而感時起興之意。不過
玉露寒衣數言而已。楚辭曰。皇天平分四時兮。竊倚。

悲此凜秋。又曰：悲哉！秋之爲氣也。蓋氣至秋而肅殺。物至秋而悲傷。故凡當天道反覆、人事變亂之際，上君子有無窮悲憤鬱積于中而發之于言者，皆可以秋名之。不係乎其時之秋，不秋也。此秋懷之作，所以踵武杜陵，而非安仁之比。乃其詩則志氣激昂，風骨遒峭，音調清越，皆稱乎其爲秋懷者也。

辨體曰：祝氏曰：楊馬之賦終以風，班潘之賦終以頌。非異也。田獵禱祠、涉于淫樂，故不可以不風。莫都籍田、國家大事，則不可以不頌。所施各有攸當。凡爲臺閣之賦，又當知此。

潘岳詩書以籍田頌而文選則以爲賦要之篇末雖是頌而篇中

賦純是

或曰、籍田蒼雅醇穠。在畜賦中應推第一、

沈鶴山曰、孫綽遊天台山賦、雋處微傷其朴、

明辨曰、宋祝堯曰、顏延之赭白馬賦、詞意皆出于漢

天馬歌、極其精密。至唐李杜咏馬之作、則又出于此

矣。

王懋公曰、今人欲爲某文而專就某文學之者、非也。

觀顏賦本于歌、李杜詩又本于賦、如此亦可以悟矣。

唐

王懋公曰、唐以詩賦取士、而詩賦竟不能復古、取二

者而並論之。賦更降于詩矣。

辨體曰。祝氏曰。唐人之賦。大抵律多而古少。夫彫蟲
道衰。頽波橫流。風騷不古。聲律大盛。句中拘對。偶以
趨時。好字中揣聲病。以避時忌。孰有學古。或就有爲
古賦者。率以徐庾爲宗。然亦不過少異于律耳。甚而
或以五七言之詩。四六句之聯。以爲古賦者。中唐李
太白。天才英卓。所作古賦。差強人意。但俳之蔓。雖除
而律之根。故在。雖下筆有光艷。時作奇語。然只是六
朝賦耳。惟韓柳諸古賦。一以騷爲宗。而超出俳律之
外。唐賦之古。莫古于此。至杜牧之阿房宮賦。古今繪

多但大半是論體。不復可專目爲賦矣。如亦惡俳律之過。而特尚理以矯之乎。吁。先正有言。文章先體製。而後文辭。學賦者其致思焉。

洪容齋曰。唐人作賦。多以造語爲奇。

王懋公曰。傳稱唐太宗時。李百藥工爲五言詩。而謝偃善作賦。稱爲李詩。謝賦焉。蓋人之才性。各有不可強者。類如此。

華無枝曰。子安詞賦。如千錦飛光。萬花騰煥。篇篇結緣語。語連珠。胸無儉思。腕有餘藻。其于文章家。信九天之霞府。百川之谷王也。天才橫恣。浮音時亦間出。

要之少年肆筆何妨馳驟飛揚哉

辨體曰祝氏曰李太白大鵬賦蓋以鵬自比而以希有鳥比司馬子微此題出于莊子寓言本自宏濶而太白又以豪氣雄文發之事與辭稱俊邁飄逸去騷頗近然但得騷人一體耳若論騷人所賦全體固當以優柔婉曲者爲有味豈專爲宏衍鉅麗之一體哉金氏鎮曰杜工部文不多見集中所載太清宮諸賦郭景純所云呵噏掩鬱曖曖無度也自屈宋以來爲獨有蘊崇之體余嘗云班馬之賦如山工部之賦如海而天下後世但知讀其詩未有誦其賦度數行下

賦

者。則以詩之工。易見。文之工。難明也。

華無投曰。獨孤及。夢遠游賦。託遠游之夢。寄無窮之慨。當時世變物情。靡弗影借。臚列是必。京復後作也。意遠而中事肆而隱。古賦名手。於茲再見。

沈鶴山曰。韓愈明水氣。樸詞典。唐賦之佳。

辨體曰。祝氏曰。阿房宮賦。前半篇造句。猶是賦。後半篇議論。俊發醒人心目。自是一段好文字。賦之本體。恐不如是。以至宋朝諸家之賦。大抵皆用此格。潘子真。載曾南豐曰。牧之之賦。宏壯巨麗。馳騁上下。累數百言。至楚人一炬。可憐焦土。其論盛衰之變。判于此。

蓋南豐亦只論其賦之文而未及論賦之體。后山叢
談云。曾子固短于韻語。則其以文論賦。毋怪焉。

宋

辨體曰。祝氏曰。宋人作賦。其體有二。曰俳體。曰文體。
后山謂歐公以文體爲四六。夫四六者。屬對之文也。
可以文體爲之。至于賦。若以文體爲之。則是一片之
文。押幾箇韻耳。而於風之優游比興之。託雅頌之。
形容皆不兼之矣。晦翁云。宋朝文明之盛。前世莫及。
自歐陽文忠公。南豐曾公。與眉山蘇公相繼起。各以
其文擅名一世。傑然自爲一代之文。獨于楚人之賦。

有未數數然者。觀于此言，則宋賦可知矣。

王慤公曰：傳曰：范文正督學，出題使諸生作賦，必先自爲之。欲知其難易及所當用意，亦使學者准以爲法。於此乃見古人之自處處人，皆非苟且以從事也。

溫公瓊語曰：夏竦

字子

父故錢氏臣，歸朝爲禁侍，竦

幼學于姚鉉，使爲水賦，限以萬字。竦作三千字以示

鉉，鉉怒不視，曰：汝何不于水之前後左右廣言之？竦

又益之得六千字，以示鉉，喜曰：可以教矣。

辨體曰：祝氏曰：秋聲等賦，自卜居漁父篇來，歐陽專以此爲宗。其賦專尚文體，以掃積代俳律之弊。然于

三百五篇吟咏情性之流風遠矣。

孫月峯曰秋聲果是以文爲賦稍嫌太切近然說意透亦自俊快可喜黃楊樹子精工有腴味彷彿枯樹賦意。

王慙公曰宋人固多文賦然如玉局赤壁脫去凡胎獨標仙骨覺相如楊雄未能免俗矣讀此須放天眼而論者尚嗷嗷不已予竊歎人心不空如此謝登山曰赤壁賦學莊騷無一句相似非超然之才絕倫之識不能也蕭灑神奇出塵絕俗如乘雲御風而立九霄之上俯仰六合何物茫茫非惟不掛之尚

牙亦不足入其靈臺丹府也。

精義曰學楚辭者多未若黃魯直最得其妙。魯直諸賦如休亭賦蘇季枯木書道士賦之類他文愈小者愈工如跋侯移文之類但作長篇苦于氣短又且句句要用事此其所以不能長江大河也。

元

辨體曰先主中國百年國初文字不過循習金源之故步迨至元世主混一士習丕變於是完顏之粗曠既除而宋末萎靡之氣亦去矣元祐宗仁設科以古賦命題律賦之體由是而變然多浮靡華巧抑揚歸美。

至末年而格調益弱矣。

辨體曰：以太極命題，斯實二氣五行之本。繼善成性之原，非若一事一物，可以鋪張形容。旁比曲喻，以成賦也。故長于辭藻者，多悖理而害義；專于經訓者，率成有韻之文。黃晉卿作理趣，純熟音節，爽朗下句，命字不失賦家調度。且如太極之義，自源徂流，發明殆無餘蘊。後之賦性理者，不可不知。

明

備考曰：自風雅變而賦作，去古未遠，梗概足述。道源性情，比興互用，六義彰矣。諄復貫珠，千言非贅。情理

盛矣。規撫天地，聲象萬物，體無常式，變化殫矣。四聲不局，八病非瑕，宮商縱矣。賦也者，篇章之象，著而歌誦之，鐘呂也。靈均而降，作者代起。荀卿窮理立言，因物賦象，絳幃格論，塵尾清言也。宋玉以文緯情，雅興婉至，多風而可繹。楚臣之堂與也。枚乘八公，長卿之流，披形錯貌，彫藻極妍，華而不浮，辭人之軌轍也。若忠憤激昂，直寫胸臆，篇不繪句，句不琢字，實誼是也。比偶爲工，新聲競爽，詞賦之漫衍。陸謝江鮑之波漸也。大抵賦擅于楚，昌于西京，叢于東都，沿于魏晉，敝于五代。迨律賦興而斬然盡矣。此其槩可舉者，自愚

意論之詩莫病于輕淺。賦莫病于艱深。學步可嗤。效顰增醜。有能肖心吐理。觸吻成文。變合風雲。自出機軸。斯足貴耳。三復楚辭。眷戀宗國。九死不忘。至于天問。曾無銓次。婉惻彌深。此豈有成轍可倣哉。後世諸君子。愛櫝忘珠。極意鏤畫。無疾而呻。人爲掩耳。晚近尤甚。字取駭目。故必艱文。取闕靡故。必冗險韻。在几類書充棟。一經繙閱。可就萬言。寧須剽剽置筆硯哉。蓋賦體弘與。非可取帖括鉛槧語。比而韻之以塞白也。然吾欲以其宏且肆者。盡吾才而不欲借以文短。古與爾雅。吾情附之以宣。而不因以晦塞。浮雲無心。

賦形爲象。吹萬成音。不假管弦。豈非天地間真賦哉。
昭代此道。上掩唐宋。操觚出採。捭富麗體式古雅。
洵足繼漢晉而稱雄矣。然亦擬議合轍。沿波爲淪耳。
盡挾蹊徑。嗣響靈均。尚俟君子。
辨體曰。聖明御統。一洗吳元陋習。以復中國先王之
治。當時輔翊興運。以文章名世者。率推承旨宋公濂
爲首。迨若太史胡公翰。則又宋公之所畏服者也。今
並采其賦。以昭我國家文運之興。非若漢唐宋歷世
之久而後盛也。

趙肯巖曰。兩京三都。窮極綉麗。徒彫琢于字句之間。

李公時勉北京賦洋洋纒纒冠冕鉅麗一代大手筆
後進當熟讀之。

王慙公曰我於明文中甚喜徐山陰表公安推爲三
百年第一不無太過然其才最別卽如牡丹賦奇思
幻致俱非舒元與所能夢見其賦梅花卽宋廣平亦
以軟媚遜其冷峭後一名士純用其語作補孤山種
梅序盛爲人所稱賞豈亦相如之於遠游歟破械小
賦尤爲出色我每置之案頭以爲怪石供○文長賦
曲擅場著四聲猿快絕千古無論近代名流皆避一
頭卽元人百種應亦自謂不如所以尹嬈好羞見那

夫人太白語殊可思也。

王懋公曰：屠赤水天才橫軼，無施不可。其於禪學，說家常。昔人千偈瀾翻，何足道哉！雖以蘇之前身，戒黃之宿世，香嚴遇緯，真則讓其縱橫，莫當矣。漢游波恬，偶然有賦。天馬行空，一息萬里，視木郭江海諸賦，皆三日新婦，何無丈夫氣也。

名山業曰：湯臨川于古文詞，可爲兼才。然終當以賦曲爲第一。

名山業曰：三都兩京，博而不奇。必如文太青，方可稱賦才絕手。○讀太青鳳凰臺、天闕山諸賦，閎奇瑰麗。

不減長楊子虛會表亦先露其概矣。

鏡林曰公亮賦才艷絕出其緒餘以切聲韻故凌顏
慤謝含庾吐鮑無所不有。

名山業評張天如文曰天球河圖古麗絕世博觀文
選諸賦盡罕其儔彼以漢魏此以三代也。
王懋公曰一家言云古文詞之最易倦人者莫過于
賦。惟抽稿不然以其意淺而詞近耳此與備考賦病
艱深之說足相表裏。

論賦韻

明辨曰子虛賦有一句用韻者有二句用韻者有三

句用韻者有五句用韻者有三句無韻與上下不相叶者豈古體若此歟

沈鶴山曰秦觀郭子儀單騎賦用韻前後錯以成文亦一體也

明辨曰蘇軾屈原廟賦甚得古體但其用韻以古今考之多不協不知何謂

張祖望曰詩賦之韻不甚離異其說未能該洽聊舉侵韻一部言之侵部係閉口音惟十三覃中有數字

如南男潭參之類古人常通用以覃部亦閉口音也或間用楓風二字楓風俱叶乎金反本于詩經離騷

卷之六

栢舟章綈兮。綈兮淒其以風。我思古人。實獲我心。哀
郢篇登大墳以遠望兮。聊以舒吾憂心。哀州土之平
樂兮。悲江介之遺風。俱風心同叶。涉江篇。乘鄂渚而
反顧兮。欸秋冬之緒風。步余馬兮山皋。邸余車兮芳
林。風林同叶。招薳篇。湛湛江水。今上有楓。目極千里
兮。傷春心。厥有源也。若真文與青蒸侵六部。詩家絕
不概通。真文通用庚青通用蒸侵各獨用。此五言古
詩昔人用韻法也。至于作賦。雖體格不同。有能出于
漢魏六朝之法者乎。今按其用侵韻。未嘗有異于詩。
反覆研覽古人。並無通用者。蓋以閉口與開口聲音。

處將六部韻全無分別。雜出並叶。非獨古今詩中所
未覩。卽賦中索之。亦未有如此之淆亂者也。或者有一
字之偶差。亦係失檢點處。不足多效。其可通者。東
冬與江通。魚虞與尤通。陽與庚半通。真文與元半通。
今人多不解知。而從前未通者。反混而相叶。僕不知
其何說也。仄韻未暇博採。

賦之用韻。與詩相近。固矣。而古今之韻書。又不
可不辨。於是復詳列如左。

朱錫鬯與魏善伯書曰。聲韻之書。自魏晉已有之。李
登之聲類。呂靜之韻集。是已。外此周研、張諒、段弘、王

該李。槩。夏侯詠等各有成書。少者四三卷。多至四十餘卷。惟沈約所撰四聲譜。見于隋志。僅一卷。其非全韻可知。至唐四庫書目不載。則已亡之。唐初奉爲章程者。陸法言切韻。其後孫愐刊正爲唐韻。宋陳彭年再修廣韻。丁度定集韻。景祐_{仁宗}年號以還。行禮部韻畧。廣韻漸廢。而毛晃之增韻出。蓋切韻凡數更已。非法言之舊。然分韻二百有六部。未之有易也。淳祐_{理宗}年號中。平水劉淵始作爲一百七韻目。壬子新刊禮部韻畧。足下所見。今世所行者。特劉氏之韻耳。顧目爲沈氏書。加以詬詆。其毋乃重誣古人矣乎。僕以爲韻之

失不在分而在合。足下怪門存吞思不應在元韻。而文韻內有勤斤殷欣等字。謂分之無所分。夫自二百六部未合。門存歸于覓。吞思歸于痕。未嘗在元韻。而勤斤等字。則自爲殷部。足下試取杜甫近體詩誦之。凡勤斤字。寧與真同用。無有與文同用者。然古人分韻雖嚴。通用甚廣。如真至仙爲部十四。皆得相通。蓋嚴則于韻之本位。毫厘不紊。通則臨文不至拘泥。而乖其性情。亂之自劉氏始。○且韻之作。自李登以下。南人蓋寡。沈氏書旣無存。傳者陸氏切韻耳。法言家魏郡臨漳。同時集韻八人。惟蕭該家蘭陵。其餘或家

范陽盧思或家狄道辛德或家河東薛道衡或家臨沂

顏之及沛劉臻皆北方之學者黃公紹失考以韻書始

自江左本是吳音者謬也至正韻之成樂宋諸君子

則皆南人矣足下詆北人之書爲缺舌聲音既不足

服其罪意欲力崇正韻而反詆厲南人何哉程有正韻商取

卷一

吳志伊曰字學與韻學相表裏而韻學尤必以等韻

爲宗蓋等韻三十六位角音四徵音八商音十羽音

八宮音四半徵半宮各一原出于自然之天籟雖童

子亦可與能猶夫調四聲者夫人而能習之江左知

有四聲而不知有七音。此韻學之所以不明也。但中間疑喻二母之易溷。娘母押字之多滑。又或有江陽不分。東冬同讀。是在審音者析其微耳。王愬公曰。沈約四聲天竺七音聲韻之道。無遺矣。又有六體之說。亦不可不知。六體者。平仄虛實死生是也。今因論賦韻而并及之。

鐵立文起前編卷之十三

梅溪 王之績 懋公 集著

猷州 趙 拓偉士 泰訂

騷 附論

王懋公曰、離騷賦也、原不以騷名、蕭文孝摘取騷字、立爲一體、誤矣、漢書地理志曰、始楚賢臣屈原被讒、放流作離騷、諸賦以自傷悼、觀此足証以賦名、後人不當以騷名矣、李青蓮詩云、伯平詞賦懸日月、何不言騷哉、以太白之豪放、無前乃能斟酌盡善如此、良由其識卓耳、何今人文集中稱騷者之紛紛也、

宋吳氏林下偶談曰太史公言離騷者遭憂也。離訓遭。騷訓憂。屈原以此命名其文則賦也。故班固藝文志有屈原賦二十五篇。梁昭明集文選不併歸賦門而別名之曰騷。後人沿襲皆以騷稱。可謂無義。題篇呼名義且不知而況文乎。

辨體曰文選先兩都而後離騷編次無序。或曰伯夷采薇歌騷之祖也。

王鳳洲曰三百篇亡而後有騷賦。騷賦難入樂府而後有古樂府。古樂府不入俗而後以唐絕句爲樂府。絕句少宛轉而後有詞。詞不快北耳而後有北曲。北曲

不諧南耳而後有南曲。

王瑯琊曰騷賦雖有韻之言其於詩文自是首之與草木魚之與禽獸別爲一類不可偏倚騷辭所以總雜重複興寄不一者大抵忠臣怨夫惻怛深至不暇致詮亦故亂其敘使同志者自尋修邇者難摘耳今若明白條易便乖厥體。

王介洲曰擬騷賦勿令不讀書人便竟驟覽之須令人裴回循咀且感且疑再反之沈吟歔歔又三復之涕淚俱下情事欲絕覽賦之初如張樂洞庭褰帷錦宮耳目搖眩已徐閱之如文錦千尺經理秩然歌亂

甫畢。肅然歛容掩卷之餘。徬徨追賞。

或曰。騷非屈子不能振。吾觀篇中兩言彭咸。

殷忠臣投水死

者是。屈子作騷本旨。其餘如桀女嬃巫咸之類。皆三

百之興比。莊子之寓言也。反比之中。雖以正比。既賦

之餘。忽而起興。潔已所以愛君也。嫉俗所以貞世也。

遑恤我後。謇句不行。情真而思苦矣。極愛之中。似夫

怨君無聊之主。反謂容與文典而意迫矣。今之讀離

騷而稱名士者。曾念及吾君父乎哉。古人文字非忠

孝人不能讀離騷其一也。

王懋公曰。王子克嘗言宋玉景差大小招。務爲譎怪。

之談荒。潘、夸、鮑之語。今亦無取。予謂詩文詭麗。誠爲大雅所病。然如予克招游。子辭平平無奇。亦易取厭。故才人光焰。予終不忍棄之。明辨曰。宋祝堯曰。莊忌哀時命。出入比賦。蓋騷體之雅似者。

沈石夫曰。淮南小山招隱士。此騷之正響。善摹屈子本經者。非宋玉以下所及。

陸雨侯曰。東方朔初放。悲憤無聊之中。怨而不怒。得屈宋之遺。而去其蹇澁。沈鶴山曰。韓愈訟風伯。意憤而言誕。以次屈宋之騷。

允稱同體

王懋公曰、王摩詰之山中人、以淡遠勝。劉復愚之哀湘竹下清江、以峭麗勝。卽此亦可見文中天地儘寬。何所不有。作詩必此詩者殆泥矣。

辭

王懋公曰、辨體古賦、各朝後皆有附錄、或歌、或樂府、或弔祭、或移文、或雜著、大爲失所。至于辭、實爲文之一體、亦置賦內何哉。如漢武秋風、淵明歸去、龜蒙戰秋、楊萬里延陵懷古、袁伯長垂綸亭等辭、何以一賦字概之。且古人書有專以辭名者、如楚辭、實賦而

皆曰辭。則辭之名亦大矣。明辯以辭入詩。亦非是文。選離詩而入文。殊確。今仍之。

黃東發曰。詩變而爲騷。騷變而爲辭。皆可歌也。辭則兼詩騷之聲。而尤簡遂焉者。昔漢武帝作秋風辭。一章三易韻。其節短。其聲哀。此辭之權輿乎。陶淵明罷彭澤令。賦歸去來。而自命曰辭。殆令人歌之。頓挫抑揚。自協聲韻。蓋其辭高湛。晉宋而下。欲追躡之。不能。然秋風辭盡蹈襲。楚辭未甚敷暢。歸去來則自出機杼。謂洞庭鈞天。而不澹。謂霓裳羽衣。而不綺。此其所以超乎先秦之世。而與之同範也。

王懋公曰。或謂淵明耻事二姓。其意亦不爲不悲矣。然其辭夸曠蕭散。雖托楚聲。而無其怨尤切蹙之病。李性學狀以野鶴任風。閒鷗立海。或者有以賦爲辭之義。此論甚合。又坡公詩餘有歸去來辭。其自序云。淵明有其辭。而無其聲。予乃取其辭。稍歸槩括。使就聲律。令人歌之于此。又可見詞與聲之別矣。若元稹之連昌宮辭詩也。遼后之回心院詞詩餘也。此皆不得以辭名。

七 附論

王懋公曰。枚乘七發。亦偶然作。原不可定爲一體。我

欲列之雜著中。自東漢魏晉諸人爭擬之。儼若傳記詩賦之類。必不可缺。真堪爲之噴飯也。昭明文選竟標曰七。彼拙于文而陋于識。固不足怪。而辨體明辨亦襲而莫知。是正何耶。李空同謂七終非必於七文。演而成七。後人無七而必于七。皆俳語也。今人多擬杜少陵秋興八首。鍾退菴謂胸中若有八首。則無秋興矣。此皆卓見快論也。我欲舉七之文。盡付祖龍而今猶存其說于後。所以使人共戒不復效此陋耳。因思屈原有九歌九章。宋玉九辨之後。王褒劉向王逸。皮日休鮮于侁諸君。遂有九懷九歎九思九諷九誦。

必。不。十。不。八。是。亦。不。可。以。已。乎。得。毋。藉。口。于。九。辨。九。
歌。天。帝。之。樂。九。者。陽。之。數。道。之。綱。紀。歟。若。然。則。七。之。
外。又。當。立。一。九。體。以。配。之。予。謂。古。人。之。文。原。不。必。酷。
擬。况。又。拘。于。其。數。而。爲。之。益。可。笑。矣。然。屈。原。九。歌。又。
有。十。一。章。而。後。人。乃。不。擬。十。一。歌。何。也。獨。東。方。朔。作。
七。諫。尚。不。強。滿。九。數。在。楚。辭。中。頗。有。鶴。立。之。概。

辨。體。曰。昭。明。輯。文。選。其。文。體。有。曰。七。者。蓋。載。枚。乘。七。
發。繼。以。曹。子。建。七。啓。張。景。陽。七。命。而。已。容。齋。隨。筆。云。
枚。生。七。發。創。意。造。端。麗。旨。腴。詞。固。爲。可。喜。後。之。繼。者。
如。傅。毅。七。激。張。衡。七。辨。崔。駰。七。依。馬。融。七。廣。曹。植。七。

又復以
七言說
經七說
左思心
賦世故
頗異新
其意平
香宅
四十九
矣

啓王粲七釋、張協七命、陸機七徵之類、規倣太切了、
無新意。及唐柳子厚作晉問、雖用其體、而超然別立、
機杼、漢晉之間、沿襲之弊一洗矣。竊嘗考對偶句語、
六經所不廢、七體雖專尚駢儷、然造辭變化、與連珠
全篇四六不同。自柳子後、作者鮮聞。迨元袁伯長之
七觀、洪武宋王宋景濂王子充二老之志、釋文訓其富麗、固
無讓于前人。至其論議、又豈七發之可比。明辨曰、按七者文章之一體、詞雖八首、而問對凡七、
故謂之七、則七者問對之別名也。

王懋公曰明辨謂七者楚辭七諫之流也此語甚謬

七發之文與曼倩七諫自悲哀命怨世沉江之說遠
若天淵而又枚乘在前東方在後豈可謂倣效乎
凡論人論文而不先論其世終不足以定其人與文
徐魯庵顧不惜貽誤後人何哉